



18.november 2020

UKA2020/35

Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut pisortanit ikiorsiissutit pillugit allannguuteqaqqullugit ,taamaalilluni namminerisamik illuutilit aammalu inissianik piginneqatigiillutik pigisallit pisinnaatitaaffigilissagaat pisortanit ikiorsiissutitnik ikiorneqarsinnaanngortillugit, kræfteqarlutik nappaateqarnertik ilutigalugu katsorsagassanngoraangamik naliginarmik akissarsionertik unikkallaraangat sulisinnaajunnarnertik pissutigalugu. Nalunaarusiami erseqqissarneqassaaq ajornartorsiut qanoq isikkoqarnerseq aammalu qanoq ikiortarialiunersut taamatut pisinnaatitaaffilissapata. Nalunaarusiaq UKA2021-mi saqqummiunneqassaaq.(Inatsisartunut ilaasortaq Erik Jensen, Siumut)

Siunnersuuteqartumut qujanaq, apeqqutit pingaaruteqartut isummergfigisariaqartullu qaqimmagit. Kinaluunniit napparsimalersinnaavoq taamaasillunilu imminut pilersorniarnissamini ajornartorsiuteqalersinnaalluni. Uani immikkut nappaassuaq kræft taaneqaraluartoq, taamaattoq nappaatip sulluunniit atuutilersillugit inuk sulisinnaajunnaarallartariaqassappat ataatsimut ajornartorsiulersitsisinnaasutut uagut taajumavarput.

Pisortanit ikiorsiissutit tassaasussaapput pisortat innuttaasunut tamanut unammillernartut assigiinngitsunik peqquteqarsinnaasut peqqutigalugit sulisinnaanngikkallartunut tamanut assigiinngitsinngitsumik tunngaveqartumik ikiorsiissutit.

Inoqateqarpugut tusartakkavut namminerisamik andelsbolig-eqarnertik imaluunniit allatut sanaqateqarluni pisortanit illumik peqartumik, napparsimalernermik sulisinnaanngikkallarnermilu nalaaani allatuulli isertitaarunnerup kingunerisaanik illungisamut akilersuisinnaajunnaarnermi illungisaq tunisariaqalerlugu allatigulluunniit aaqqiissuteqarallartariaqalersimasunik. Pissutigerpiarlugu pisortanit ikiorneqarsinnaannginnami illuutigisamut, namminerisamik illuutigimmagu pisortanit akileeqataaffigineqarsimasoq.

Soorunami, kinaluunniit nappaassuarmik eqqorneqarsinnaavoq. Namminerisamik sanaqateqarluni illuuteqaraluarpalluunniit illuuteqanngikkaluarpalluunniit.

Pingaaruteqarpoq eqqanaarsinnaagaanni eqqanaarsinnaaneq, sillimmasersinnaaneq aammalu ullunut ajornerusunut atugassaqaleriasaarnissamut isumannaatsumik inissisimaniarnissaq. Tamanna nammineq inuttut ataasiakkaatut piareersimaffigisassaraarput, ajornanngipput.

Pisortat ikiorsiissutai soorunami qanoq atorneqarnerseq mianerisassaraarput, qulakkeerinnisutigisariaqangarpullu tassaavoq ikiorniarneqavissortunut atugassaammata.

Nunatta Qitornai

Inatsisartuni



Namminerisamik tusarsimavunga inuk kisimiittoq sulisarnermini imminut pilersortoq napparsimalernermini akiligassaminut kinngussaanginniassagami pisortanut saaffiginninnermini ikiorserneqarsinnaangitsutut nalilerneqartoq aningaaserivimmigooq sipaagaqalaarmat. Sipaakkani ullunut suli ajornerusunut sipaaraluarlugit itigartinneqarnermini nunguillugit atortariaqarpai aatsaallu suutaarulluni suutaarutivinnermini saaffiginnittariaqarnerarneqarsimalluni. Inuit ikiorserneqarniarlutik saaffiginninnissaminut qilanaarneq ajortut ilisimavagut, aamma inuttut ataqqinartumik sinaakkutinik erseqqissunik tamanut naligiisitsisumik atugassaqartitsisariaqarpugut. Ataasiakkaatut sinaakkutit iluanni inissisimasinnaaneq pingaartutut isumaqarfigaarput.

Ullumikkut apeqqusernartortaqartarpoq ilumut inuit pisortanit ikiorsiissuteqartarnermit pisartut tamarmik sulisinnaangivissortuunersut imaluunniit ajornangippallaarnerpa pisortanit ikiorsiissuteqaannarluni inissisimanissaq sulinissarlu tunulliullugu. Soorunami imatut aaqqissuissuugut ikiortariaqakkat ikiorniarlugit erseqqissunik sinaakkuteqarnissaq. Paasilluarpara ilassilluarlugu naalakkersuisut ukiup tulliani naammassisussamik maanna pisortanit ikiorsiissuteqartarneq pillugu suliaqanera, ilanngukkumagaallu allannguutissamik siunnersuuteqarnermikkut. Naalakkersuisut ataatsimut isiginnittumik aaqqiissuteqalersaarnerat assorsuaq qujarupparput, ilanngunneqartussanngormallu siunnersuuteqartut siunnersuutaa tassalu pisortanit aningaasalersueqataaffiusumik namminerisamik illuuteqartut kræftimik allatulluunniit napparsimalernerup kingunerisaanik sulisinaajunnaarnerminni naliginnaasumillu isertitaarunnermi pisortanit ikiorsiissuteqarsinnaanermut ammaanpeqartussanngorneq.

Naalakkersuit qulaajaanerminni ilanngullugu akissutissarsiassai ilimanarsinnaasut soorlu makkuupput: Inuit qanoq amerlatigisut manna tikillugu pisortanit pisartagaqarpat, qassit sulisinnaasutut nalilerneqarsimappat, qummut killissaq qanoq isikkoqassava, pisortanit ikiorserneqarsinnaaneq ajornangippallaarpara, isertitat aallaavigalugit imaluunniit aningaaserivimmiittutit aallaavigalugit nalilersuisoqalissava, ingerlariaqqittalernissamut aqutissat suuppat ilaalu ilanngullugit.

Siunnersuuteqartoq qutsavigaarput naalakkersuisut siunnersuutaat taperserlugu ataatsimiititaliamut ingerlateqqipparput.